

## Ցուցումներ քաղաքների հաշվային տեղամասի ամփոփ տեղեկագրի լրացման վերաբերյալ

1. Հաշվային տեղամասի ամփոփ տեղեկագիրը (**Ձև N 1-քաղաքային**) լրացվում է հաշվարարի կողմից գյուղատնտեսական համատարած հաշվառման (այսուհետ՝ ԳՀՀ) ժամանակ և հետագայում օգտագործվում գյուղատնտեսական հաշվառման նախնական արդյունքները ստանալու համար։

2. Ամփոփ տեղեկագրի աջ անկյունում առանձնացված վանդակներում լրացվում են հաշվառման և հրահանգչական տեղամասերի համարները, իսկ հասցեամասում՝ հաշվային տեղամասի համարը։

3. Եթե հաշվային տեղամասի բոլոր տնտեսությունների գրառման համար ամփոփ տեղեկագրի մեկ թերթը չի բավականացնում, ապա գրառումը շարունակվում է մյուս թերթերի վրա։ Այդ դեպքում առաջին թերթի վրա՝ հաշվային տեղամասի համարից հետո, փակագծերում գրվում է «ա» տառը, իսկ երկրորդում՝ «բ» տառը (օրինակ՝ 3 (ա), 3 (բ) և այդպես շարունակ։

4. Հաշվային տեղամասի հասցեամասը լրացվում է ամփոփ տեղեկագրի յուրաքանչյուր թերթի վրա, իսկ թերթերի քանակը գրվում է միայն առաջինի վրա։

5. Հաշվարարն ամփոփ տեղեկագիրը լրացնում է ամեն օրվա վերջում՝ տվյալ օրվա ընթացքում լրացրած հարցաթերթերի համար՝ ըստ լրացված հարցաթերթերի համարակալման հերթականության, իսկ յուրաքանչյուր չորրորդ օրը մինչև այդ օրվա դրությամբ հաշվեգրված տվյալների հանրագումարային ցուցանիշները պետք է հաղորդի հրահանգիչ-հսկիչին։

6. Ամփոփ տեղեկագրի 1-ին և 2-րդ սյունակներում լրացվում են տնտեսության հասցեն՝ փողոցի անվանումը և տան համարը։

7. 3-րդ սյունակում լրացվում է տնտեսության գլխավորի (վարձակալի) ազգանունը, անվան ու հայրանվան սկզբնատառերը,

8. 4-րդ սյունակում գրառվում է լրացված հաշվառման հարցաթերթի համարը, իսկ 5-րդ սյունակում, ***եթե տվյալ տնտեսության համար լրացվել է 1-ԳՀՀ հարցաթերթի հավելված*** նաև լրացված հավելվածների քանակը։ Եթե հարցաթերթի հավելված (ներ) չի (չեն) լրացվել, ապա դրվում է գիծ։

9. Ամփոփ տեղեկագրի 6-11-րդ սյունակները լրացվում են տվյալ տնտեսության համար լրացված հարցաթերթի 9-րդ հարցի Աղյուսակ 2-ի գյուղատնտեսական նշանակության հողերի վերաբերյալ տեղեկությունների հիման վրա։

*Օրինակ՝ արտագրվում են հարցաթերթի 3-րդ էջի 9-րդ հարցի աղյուսակ 2-ից 10, 11, 12, 13, 14 և 15 կողերին համապատասխանող 1-ին սյունակի համապատասխան տվյալները։*

10. Նույն սկզբունքով պետք է առաջնորդվել նաև ամփոփ տեղեկագրի 12-17-րդ սյունակների լրացման ժամանակ։

*Օրինակ՝ հարցաթերթի 11-րդ էջի աղյուսակ 8-ից խոշոր եղջերավոր կենդանիներ՝ 08, կովեր՝ 01, խոզեր՝ 18, ոչխարներ՝ 23, այծեր՝ 28 և թռչուններ՝ 48 կողերին համապատասխանող 1-ին սյունակի համապատասխան տվյալներն արտագրելով։*

11. Հարցաթերթից նշված տեղեկատվությունն արտագրելու ժամանակ հարկավոր է ուշադրություն դարձնել ամփոփ տեղեկագրի 6-17-րդ և հարցաթերթի համապատասխան սյունակներում գրառվածի համապատասխանությանը։

12. Լրացված հարցաթերթերի և հարցաթերթի հավելվածների քանակի վերաբերյալ տեղեկատվությունը լրացվում է ամփոփ տեղեկագրի դիմային էջի ներքնի ձախ անկյունում։

13. Եթե ամփոփ տեղեկագիրը լրացվում է մի քանի թերթով, ապա հաշվարարը հաշվարկում և լրացնում է ամփոփ տեղեկագրի հանրագումարներն ըստ յուրաքանչյուր էջի՝ «Հաշվառված է հաշվարարի կողմից-ընդամենը ըստ էջի» տողում, իսկ ամփոփ տեղեկագրի վերջին թերթի վրա լրացնում նաև հաշվային տեղամասի հանրագումարը, որը ստացվում է առանձին էջերի հանրագումարները գումարելով։

14. Հաշվառման ամբողջ ժամանակահատվածում հրահանգիչ-հսկիչը մանրագնին հետևում է ամփոփ տեղեկագրի ճիշտ լրացմանը՝ ուշադրություն դարձնելով յուրաքանչյուր տնտեսությանը վերաբերող տվյալների հարցաթերթից ճիշտ արտագրմանը։

15. Հաշվառման ավարտից հետո (մինչև վերահսկիչ շրջայցն սկսելը) հրահանգիչ-հսկիչը, հաշվառման նյութերը հաշվարարներից ընդունելու ժամանակ, համեմատում է ամփոփ տեղեկագրում տնտեսությունների թվաքանակը հաշվառման հարցաթերթերի տվյալների հետ, ստուգում է հանրագումարների ճշգրտությունը և, եթե կան սխալներ, ապա ուղղում դրանք։

16. Վերահսկիչ շրջայցի ավարտից հետո հրահանգիչ-հսկիչը, հաշվի առնելով վերահսկիչ շրջայցի ժամանակ հաշվառման հարցաթերթերում կատարված բոլոր փոփոխությունները, ուղղումներ է մտցնում ամփոփ տեղեկագրի տվյալ տնտեսւթյան համապատասխան տողի **6-17-րդ** սյունակներում, որտեղ փոփոխություն է կատարվել վերահսկիչ շրջայցի ժամանակ՝ սխալ լրացված թվի վրա գիծ քաշելով և ճիշտը գրելով, սակայն ***«Հաշվառված է հաշվարարի կողմից» տողերում հանրագումարները չեն ուղղվում***։

17. Հրահանգիչ-հսկիչը, հաշվի առնելով կատարված ճշգրտումները, հաշվում է հանրագումարներն ըստ յուրաքանչյուր էջի և ամբողջությամբ ըստ հաշվային տեղամասի և գրառում է դրանք ***«Ընդամենը հաշվի առնելով վերահսկիչ շրջայցը»*** համապատասխան տողերում։ Ուղղումներ չլինելու դեպքում այդ տողերում կրկնվում են «Հաշվառված է հաշվարարի կողմից» տողերում հաշվարարի կողմից կատարված գրառումները։

18. Ամփոփ տեղեկագրի դիմային էջի՝ «Վերահսկիչ շրջայցի արդյունքները» բաժինը լրացվում է հրահանգիչ-հսկիչի կողմից վերահսկիչ շրջայցի ավարտից հետո, հրահանգիչ-հսկիչի հուշատետրի 4-րդ աղյուսակի տվյալների հիման վրա, որտեղ նշված են այն բոլոր դեպքերը, երբ հաշվառման ընթացքում հաշվարարի կողմից տնտեսության հարցաթերթում կատարվել են սխալ գրառումներ։ Վերահսկիչ շրջայցի արդյունքները բաժինը ամփոփ տեղեկագրի՝ «Ընդամենը հաշվի առնելով վերահսկիչ շրջայցը» և «Հաշվառված է հաշվարարի կողմից» տողերի ցուցանիշների տարբերությունն է՝ ըստ համապատասխան սյունակների՝ «+» նշանով, եթե հաշվարի կողմից կատարված գրառումների հետ համեմատած վերահսկիչ շրջայցի արդյունքում տվյալ ցուցանիշի հանրագումարն ավելացել է, և «-» նշանով, եթե ցուցանիշի հանրագումարը նվազել է։

19. Վերահսկիչ շրջայցի ավարտից հետո հրահանգիչ-հսկիչը գրառում է վերահսկիչ շրջայցի ամսաթիվը և ստորագրում է ամփոփ տեղեկագիրը։

20. Եթե ամփոփ տեղեկագիրը կազմված է մի քանի թերթից, ապա ստորագրությունը և ամսաթիվը դրվում է միայն վերջին թերթի վրա։

ԱՐՑԱԽԻ ՀԱՆՐԱՊԵՏՈՒԹՅԱՆ

ԱԶԳԱՅԻՆ ՎԻՃԱԿԱԳՐԱԿԱՆ ԾԱՌԱՅՈՒԹՅՈՒՆ

Արցախի Հանրապետությունում 2020 թվականի

ցյուղատնտեսական համատարած հաշվառում

<span></span>	<span></span>
<b>Հաստատված է</b>	<span></span>
Արցախի Հանրապետության վիճակագրության պետական խորհրդի 2020 թվականի _____-ի N _____ որոշմամբ	<span></span>
Հաշվառման տեղամասի համարը	Հրահանգչական տեղամասի համարը

## Ձև N 1-քաղաքային

## Ա Մ Փ Ո Փ Տ Ե Ղ Ե Կ Ա Գ Ի Ր

### ՔԱՂԱՔՆԵՐԻ ՀԱՇՎԱՅԻՆ ՏԵՂԱՄԱՍԻ

#### Հաշվային տեղամաս N------(կազմված է----- թերթերից)

Շրջան-----Քաղաք-----

### ՎԵՐԱՀՄԿԻՉ ՇՐՋԱՅՑԻ ԱՐԴՅՈՒՆՔՆԵՐԸ

(լրացվում է հրահանգիչ- հսկիչի կողմից)

Գյուղատնտեսական համատարած հաշվառման ժամանակ հաշվարարի կողմից սխալ գրառումներ են կատարվել տնտեսության ցյուղատնտեսական նշանակության հողերի և/կամ ցյուղատնտեսական կենդանիների վերաբերյալ տեղեկատվության լրացման ժամանակ											
Գյուղատնտեսական նշանակության հողեր, <i><b>հա</b></i>						Գյուղատնտեսական կենդանիներ, ընդամենը <i><b>գլուխ</b></i>					
Վարելա-հող	Պտղա-տու այգի	Հատա-պըտ-դանոց	Խաղողի այգի	Խոտ-հարք	Արոտա-վայր	Խոշոր եղջերավոր կենդանիներ	որից՝ կովեր	Խոզեր	Ոչխար-ներ	Այծեր	Թռչուն-ներ
<i>1.</i>	<i>2.</i>	<i>3.</i>	<i>4.</i>	<i>5.</i>	<i>6.</i>	<i>7.</i>	<i>8.</i>	<i>9.</i>	<i>10</i>	<i>11.</i>	<i>12.</i>

#### Ընդամենը կազմվել են՝

#### Հարցաթերթ -----

#### Հարցաթերթի հավելված-----

#### Ուղեկցող թերթ (Ձև N 5 ) -----

